


主編 郑翔
副主編 李宁宁 吴国富



江西歷代進士全傳

肆

上海古籍出版社

樟树市进士传

说明：樟树市，原为清江县，其地春秋战国时先后属吴、越、楚，秦朝建新淦县，清江之地属之。西汉时，清江之地分属新淦、建成、宜春三县。东汉中平二年，析宜春置汉平县，清江之地分属新淦、建成、汉平三县。三国时，汉平县改为吴平县。隋朝省新淦县入吴平县，又省吴平县入宜春县，复分宜春县置新淦县。唐武德五年置始平县，复省入新淦县。南唐升元二年，割高安的建安乡、修德乡，新淦的崇学乡另建清江县，属镇南军节度使，后改隶筠州。北宋淳化三年，以清江、新淦、新喻三县置临江军。治平三年，割新淦茂才乡、新喻思贤乡隶清江县。元至元十四年，临江军改临江路。明洪武二年，临江路改为临江府，仍辖清江、新淦、新喻三县。清沿明制。民国以来，清江县先后属庐陵道、直属省、第一及第二行政督察区、南昌分区、宜春专区（后改为宜春市）。1988年清江县改为樟树市。清江县共有进士272人。其中宋代166人，元代4人，明代58人，清代44人。其中南唐刘式，刘式之子刘立本、刘立之、刘立言、刘立德、刘立礼，刘式之孙刘敞、刘攸等，刘式之曾孙刘奉世等20人，均归入新喻县（新余），一并从清江县剔除。

宋代

咸平三年庚子科(1000)陈尧咨榜

张 晔

【传记】张晔，清江县人，咸平三年庚子科陈尧咨榜进士。（见《同治清江县志》卷七）

天圣五年丁卯科(1027)王尧臣榜

廖 访

【传记】廖访，清江县人，天圣五年丁卯科王尧臣榜进士。（见《同治清江县志》卷七）

张 经

【传记】张经，清江县人，天圣五年丁卯科王尧臣榜进士。（见《同治清江县志》卷七）

聂言

【传记】聂言，清江县人，天圣五年丁卯科王尧臣榜进士。（见《同治清江县志》卷七）

庆历二年壬午科(1042)杨寘榜

萧询

【传记】萧询，清江县人，庆历二年壬午科杨寘榜进士。（见《同治清江县志》卷七）

庆历六年丙戌科(1046)贾黯榜

萧伯英

【传记】萧伯英，清江县人，庆历六年丙戌科贾黯榜进士。（见《同治清江县志》卷七）

阮赛

【传记】阮赛，清江县人，庆历六年丙戌科贾黯榜进士。（见《同治清江县志》卷七）

欧阳宗越

【传记】欧阳宗越，清江县人，庆历六年丙戌科贾黯榜进士。（见《同治清江县志》卷七）

胡昱

【传记】胡昱，清江县人，庆历六年丙戌科贾黯榜进士。（见《同治清江县志》卷七）

宋时渝川谢谔、胡昱，读书于峡江之顶。山寺夜坐，窗外有声，破纸隙窥之，霜月皎然，小木桥有一物，如黑猕猴蹲其上。须臾，又一物如枯槎，长二三尺，与对蹲。俄而逡巡起，黑者先吟曰：“风定长林静，云深片月沈。”诵之数过。白者续曰：“寒霜打枯骨，夜咏髑髅吟。”互相称赏。忽寺犬自窠突出，且吠且逐，俱逃而去。（明朱国祯《涌幢小品》卷二二）

皇祐元年己丑科(1053)冯京榜

胡向

【传记】胡向，清江县人，皇祐元年己丑科冯京榜进士。（见《同治清江县志》卷七）

胡向，皇祐元年进士，自袁州司理历审刑院详议，权大理卿。决狱仁恕，所至无冤。尝倅越州、二浙，综核吏能，奏课为天下第一。向天资忠厚，不妄言动，恩惠及物，未尝自矜。（《同治清江县志》卷八）

胡向少卿，初为袁州司理参军。有人窃食，而主者击杀之，郡论以死。向争之曰：“法当杖。”郡将不听。至请于朝，乃如向议。见吕大防丞相所撰墓志。（宋郑克《折狱龟鉴》卷四）

胡向少卿为袁州司理参军时，有盗七人皆当死，向疑其有冤，乃留讯之，则二人者果不同谋，始受其庸而中道被胁以行，卒得免死。（宋张镃《仕学规范》卷二八）

廖鼎臣

【传记】廖鼎臣，清江县人，皇祐元年己丑科冯京榜进士。（见《同治清江县志》卷七）

胡舜举

【传记】胡舜举，清江县人，皇祐元年己丑科冯京榜进士。（见《同治清江县志》卷七）

皇祐五年癸巳科(1053)郑獬榜

李 方

【传记】李方，清江县人，皇祐五年癸巳科郑獬榜进士。（见《同治清江县志》卷七）

吴 颖

【传记】吴颖，清江县人，皇祐五年癸巳科郑獬榜进士。（见《同治清江县志》卷七）

萧澄卿

【传记】萧澄卿，清江县人，皇祐五年癸巳科郑獬榜进士。（见《同治清江县志》卷七）

嘉祐二年丁酉科(1057)章衡榜

李 鸮

【传记】李鸮，清江县人，嘉祐二年丁酉科章衡榜进士。（见《同治清江县志》卷七）

傅 燮

【传记】傅燮，清江县人，嘉祐二年丁酉科章衡榜进士。（见《同治清江县志》卷七）

傅燮，字志康，嘉祐二年进士，熙宁中繇幕府累迁少府少监，专剧郡，所至有声。尤博学，藏书万卷，皆手自校勘，年八十，好学不衰。（《同治清江县志》卷八，参见苏轼《东坡先生全集》卷三八《傅燮知郑州》）

李 中

【传记】李中，清江县人，嘉祐二年丁酉科章衡榜进士。（见《同治清江县志》卷七）

李中，字至之。父宗孟，官至刑部尚书。中登嘉祐二年进士，与南丰曾巩、德化范端、新淦三孔兄弟为友。博学多文，尤笃于义。范端知临江军，卒于官。中理其后事，具行状致曾巩志其墓。衢州周旻知双流县，至江陵，卒于舟。子始七岁，中为具丧事所须，抚其孤。历官朝奉郎，司管库于京师。一日上书致其禄位，天子嘉其恬退，许之，官其子邈。孔武仲序而送之。《元丰类稿》，参三孔《清江集》。（《同治清江县志》卷八）

清江李君中以朝奉郎司管库于京师，一日上书致其禄位，天子许之，余闻而往见焉，曰：“少而仕，长而休，古人有之，而不皆然也。有余于畎亩者，退而以畎亩为安可也；有余乎室庐者，退而以室庐为安可也；吾党之大夫其归以年者，为有此具也。否则，往往姑龟勉以从事。今子处无室庐也，耕无畎亩也，亦何恃而退乎？子鬓发虽白，而清扬沃然，骑不俟扶，步不资杖。进而有可以从仕之资，退而无可以养生之具。骤而谢归，无乃计之不详乎？”君隐几旁，视若鄙余者。徐乃言曰：“余之子婚女嫁，盖有未给者。一朝而退，岂皆无说恣睢而动哉！吾见勤劳之可厌，则视安佚如畎亩。知机危之可畏，则顾平易如居室。以彼易此，所得孰多乎？且余从于仕宦之日非不久也，而未尝素为养生之具也，亦未尝罹乎

饥寒之患。安知不有数存乎其间也？以故推新，则吾之生理盖有在，而可以不与忧也。夫去劳从佚，舍险之平，即已得其两利，而日饷之不足，岁积之不继，又不必蒙其两害也。吾所以去之果也。且占人之不得已而还禄于君者，或为卒市门，或牧豕海上，其穷瘠愁苦甚矣，犹不足以易其志。今吾既得优游乡国，而天子加惠，官其一子，有古人之佚而无其难者。至于世故纷纭，无复有已，又可以较利害于无穷乎？”余闻而喜，为之酌酒而歌曰：“天下有道兮，贤人来。嗟之子兮，何遽释此而归？得非来者，重轻犹存乎人，而归者，惟我之所为。”余始疑而终悟，遂将膏车粟马而从之，退而书之为序。（宋孔武仲《送李至之致仕归清江序》，见豫章丛书本《三孔集·宗伯集》卷一三）

治平二年乙巳科(1065)彭汝砺榜

张 镇

【传记】张镇，清江县人，治平二年乙巳科彭汝砺榜进士。（见《同治清江县志》卷七）

治平四年丁未科(1067)许安世榜

傅 肩

【传记】傅肩，清江县人，治平四年丁未科许安世榜进士。（见《同治清江县志》卷七）

胡 蒙

【传记】胡蒙，清江县人，治平四年丁未科许安世榜进士。（见《同治清江县志》卷七）

胡蒙，两冠乡书，与黄庭坚同年登进士第。时以直道不阿，官止邑令。（《同治清江县志》卷八）

欧阳棐

【传记】欧阳棐，清江县人，治平四年丁未科许安世榜进士^①。（见《同治清江县志》卷七）

杨 佾

【传记】杨佾，清江县人，治平四年丁未科许安世榜进士。（见《同治清江县志》卷七）

熙宁六年癸丑科(1073)余中榜

黄 抗

【传记】黄抗，清江县人，熙宁六年癸丑科余中榜进士。（见《同治清江县志》卷七）

廖 择

【传记】廖择，清江县人，熙宁六年癸丑科余中榜进士。（见《同治清江县志》卷七）

傅彦明

【传记】傅彦明，清江县人，熙宁六年癸丑科余中榜进士。（见《同治清江县志》卷七）

^① 欧阳修之子欧阳棐亦为治平四年进士，此欧阳棐是否为同一人，存疑待考。

傅彦辅

【传记】傅彦辅，彦明兄，清江县人，熙宁六年癸丑科余中榜进士。（见《同治清江县志》卷七）

熙宁九年丙辰科(1076)徐铎榜

聂复

【传记】聂复，清江县人，熙宁九年丙辰科徐铎榜进士。（见《同治清江县志》卷七）

萧镇

【传记】萧镇，清江县人，熙宁九年丙辰科徐铎榜进士。（见《同治清江县志》卷七）

元丰二年己未科(1079)时彦榜

傅耕道

【传记】傅耕道，清江县人，元丰二年己未科时彦榜进士。（见《同治清江县志》卷七）

胡遵道

【传记】胡遵道，清江县人，元丰二年己未科时彦榜进士。（见《同治清江县志》卷七）

胡遵道，登元丰二年进士，除泰和主簿。性至孝，尝以安车奉父宗元就养。时黄庭坚知泰和县，与为僚友，遵道持其父诗集请于庭坚序焉。（《同治清江县志》卷八）

元丰五年壬戌科(1082)黄裳榜

陈秉

【传记】陈秉，清江县人，元丰五年壬戌科黄裳榜进士。（见《同治清江县志》卷七）

孔淑

【传记】孔淑，清江县人，元丰五年壬戌科黄裳榜进士。（见《同治清江县志》卷七）

敖知言

【传记】敖知言，清江县人，元丰五年壬戌科黄裳榜进士。元祐七年为宁海县令。又为永嘉县令。（见《同治清江县志》卷七；“元祐七年”为宁海县令见宋代陈耆卿《赤城志》一一，“为永嘉县令”见《弘治温州府志》卷八）

敖知言，按《万姓统谱》，知言，朝散郎，大观中知南安军。（清陈梦雷《古今图书集成·明伦汇编·氏族典卷·诸姓部》）

元丰八年乙丑科(1085)焦蹈榜

廖圣谟

【传记】廖圣谟，清江县人，元丰八年乙丑科焦蹈榜进士。（见《同治清江县志》卷七）

廖颢

【传记】廖颢，清江县人，元丰八年乙丑科焦蹈榜进士。（见《同治清江县志》卷七）

元祐三年戊辰科(1088)李常宁榜

吴游宗

【传记】吴游宗，清江县人，元祐三年戊辰科李常宁榜进士。（见《同治清江县志》卷七）

胡 暇

【传记】胡暇，胡昱之孙，清江县人，元祐三年戊辰科李常宁榜进士。（见《同治清江县志》卷七）

元祐六年辛未科(1091)马涓榜

欧阳天泰

【传记】欧阳天泰，一作欧阳天奉，清江县人，元祐六年辛未科马涓榜进士。（见《同治清江县志》卷七）

傅倚平

【传记】傅倚平，清江县人，元祐六年辛未科马涓榜进士。（见《同治清江县志》卷七）

绍圣元年甲戌科(1094)毕渐榜

钟祖猷

【传记】钟祖猷，清江县人，绍圣元年甲戌科毕渐榜进士。知靖州。（见《同治清江县志》卷七；“知靖州”见宋徽宗《胡耳西路蛮向慕纳土置州御笔》，《宋大诏令集》卷一五九）

绍圣四年丁丑科(1097)何昌言榜

傅安节

【传记】傅安节，清江县人，绍圣四年丁丑科何昌言榜进士。（见《同治清江县志》卷七）

元符三年庚辰科(1100)李崧榜

孙 昂

【传记】孙昂，清江县人，元符三年庚辰科李崧榜进士。（见《同治清江县志》卷七）

崇宁二年癸未科(1103)霍端友榜

黄 洌

【传记】黄洌，清江县人，崇宁二年癸未科霍端友榜进士。（见《同治清江县志》卷七）

叶祖义

【传记】叶祖义，清江县人，崇宁二年癸未科霍端友榜进士。（见《同治清江县志》卷七）

《东皋杂录》云：叶祖义少游太学，有俊声，滑稽无穷，尝戏作诗云：“醉来黑漆屏风上，草写卢仝《月蚀诗》。”（宋胡仔《苕溪渔隐丛话》卷三六）

程鹏举

【传记】程鹏举，清江县人，崇宁二年癸未科霍端友榜进士。（见《同治清江县志》卷七）

程 摅

【传记】程摅，清江县人，崇宁二年癸未科霍端友榜进士。（见《同治清江县志》卷七）

大观三年己丑科(1109)贾安宅榜

张端礼

【传记】张端礼，清江县人，大观三年己丑科贾安宅榜进士。政和六年六月以奉议郎为武进知县。（见《同治清江县志》卷七；“政和六年六月以奉议郎为武进知县”见宋朝史能之《重修毗陵志》卷一〇）

陈大任

【传记】陈大任，清江县人，大观三年己丑科贾安宅榜进士。（见《同治清江县志》卷七）

朝散郎、知军州建安陈师夔舜（于）郡事之暇，率同官秉义郎、权同巡检王敌成之、权电白县刘镇天弼瞻拜龙湫庙，食罢至此，酌泉（攀）岩，采玉（品）茶。政和癸巳中秋一日，将仕郎、权教授陈大任达臣谨记。谨案，题名在茂名灵湫岩。（《陈大任题名》，见清阮元《广东通志·金石略》一二）

政和二年壬辰科(1112)莫俦榜

廖 翼

【传记】廖翼，清江县人，政和二年壬辰科莫俦榜进士。（见《同治清江县志》卷七）

欧阳然

【传记】欧阳然，清江县人，政和二年壬辰科莫俦榜进士。（见《同治清江县志》卷七）

简 修

【传记】简修，清江县人，政和二年壬辰科莫俦榜进士。（见《同治清江县志》卷七）

黄 沔

【传记】黄沔，清江县人，政和二年壬辰科莫俦榜进士。（见《同治清江县志》卷七）

萧 林

【传记】萧林，清江县人，政和二年壬辰科莫俦榜进士。（见《同治清江县志》卷七）

政和五年乙未科(1115)何桌榜

朱 竝

【传记】朱竝，清江县人，政和五年乙未科何桌榜进士。（见《同治清江县志》卷七）

傅掖

【传记】傅掖，清江县人，政和五年乙未科何桌榜进士。（见《同治清江县志》卷七）

重和元年戊戌科(1118)王昂榜

朱师善

【传记】朱师善，清江县人，重和元年戊戌科王昂榜进士。（见《同治清江县志》卷七）

邹伟

【传记】邹伟，清江县人，重和元年戊戌科王昂榜进士。（见《同治清江县志》卷七）

傅雱

【传记】傅雱，清江县人，重和元年戊戌科王昂榜进士。（见《同治清江县志》卷七）

傅雱，字彦济，重和元年进士。高宋初，宰相李纲荐雱可使金，假工部侍郎，充通问史（使）行，寻诏止之。授朝奉郎、尚书、考工员外郎。（《同治清江县志》卷八）

傅雱，浦江人，多胆略，遇事有为，与李忠定、宗忠简游。建炎逾年，金兵始退，黄潜善力主和议，白上遣先生为祈请使，自宣议郎迁宣教郎，以优异之。未行，朝论遣重臣以取信，改命周望为通问使。上用忠定言，乃命忠定草二帝表付先生以行，献二帝衣各一袭，且致书于粘罕。先生与王伦俱留军中，久之乃归。官至工部侍郎。《金华府志》。（清王梓材、冯云濠《宋元学案补遗》卷二五）

初，通问使傅雱既见金元帅府左监军完颜希尹于云中，留弥月。会河北经制使马忠、制置使张焕、招抚使张所继遣兵渡河，皆失利，换为乱军所杀。金以用兵责使者，雱逊谢，希尹乃以国书授雱等还，书中索河东北人之在南者，及为夏人请熙丰以来侵地，又欲于河阳置榷场以通南货。雱受书以归。金人无聘币伴使，李侗自以乳香、白金等赆之。此据雱通问录修入。（宋李心传《建炎以来系年要录》卷九）

（绍兴二年八月己亥）孔彦舟之叛也，尚书考功员外郎、宣抚处置使司主管机宜文字傅雱坐久在彦舟军中，责监兴化军商税，至是停其官，英州羁管。（宋李心传《建炎以来系年要录》卷五七）

（绍兴九年正月癸未）诏英州羁管人傅雱许自便，以雱建炎初首请出使故也。雱坐孔彦舟故，流窜者凡七年。（宋李心传《建炎以来系年要录》卷一二五）

宣和三年辛丑科(1121)何涣榜

傅葵

【传记】傅葵，清江县人，宣和三年辛丑科何涣榜进士。（见《同治清江县志》卷七）

宣和六年甲辰科(1124)沈晦榜

傅大猷

【传记】傅大猷，清江县人，宣和六年甲辰科沈晦榜进士。（见《同治清江县志》卷七）

韦汤辅

【传记】韦汤辅，清江县人，宣和六年甲辰科沈晦榜进士。（见《同治清江县志》卷七）

建炎二年戊申科(1128)李易榜

傅大猷

【传记】傅大猷，大猷弟，清江县人，建炎二年戊申科李易榜进士。（见《同治清江县志》卷七）

傅 实

【传记】傅实，彦辅子，清江县人，建炎二年戊申科李易榜进士。（见《同治清江县志》卷七）

傅 警

【传记】傅警，清江县人，建炎二年戊申科李易榜进士。（见《同治清江县志》卷七）

绍兴二年壬子科(1132)张九成榜

江知常

【传记】江知常，清江县人，绍兴二年壬子科张九成榜进士。（见《同治清江县志》卷七）

胡绍烈

【传记】胡绍烈，清江县人，绍兴二年壬子科张九成榜进士。（见《同治清江县志》卷七）

绍兴十二年壬戌科(1142)陈诚之榜

廖清臣

【传记】廖清臣，清江县人，绍兴十二年壬戌科陈诚之榜进士。（见《同治清江县志》卷七）

绍兴十八年戊辰科(1148)王佐榜

彭邦光

【传记】彭邦光，字南卿，清江县人，年二十四，中绍兴十八年戊辰科王佐榜四甲第五十名进士。（见《同治清江县志》卷七，参见《绍兴十八年同年小录》）

（知靖州、吉水人李发）一女，适右朝奉郎、知邕州葛永庆，再适奉议郎、前知南安军南康县彭邦光。（宋周必大《省斋文稿》卷三三《靖州太守李君发墓志铭》）

绍兴二十一年辛未科(1151)赵逵榜

廖邦宁

【传记】廖邦宁，清江县人，绍兴二十一年辛未科赵逵榜进士。（见《同治清江县志》

卷七)

绍兴二十四年甲戌科(1154)张孝祥榜

徐梦莘

【传记】徐梦莘，清江县人，绍兴二十四年甲戌科张孝祥榜进士。知宾州。（见《同治清江县志》卷七）

徐梦莘字商老，临江人。幼慧，耽嗜经史，下至稗官小说，寓目成诵。绍兴二十四年举进士。历官为南安军教授。改知湘阴县。会湖南帅括田，号增耕税，他邑奉令惟谨。梦莘独谓邑无新田，租税无从出。帅恚其私于民，欲从簿书间摭摭其过，终莫能得，由是反器重之。

寻主管广西转运司文字。时朝廷议易二广盐法，遣广西安抚司干官胡廷直与东西漕臣集议于境。梦莘从行，谓：“广西阻山，止当仍官般法，则害不及民。广东诸郡并江，或可容客贩，未宜遽以二广概行。”议与廷直不合。廷直竟遂其说，以客贩变法得为转运使。梦莘既知宾州，犹以前议为梗法，罢去。不三年，二广商贾毁业，民苦无盐，复从官般法矣。

梦莘恬于荣进，每念生于靖康之乱，四岁而江西阻江，母襁负亡去得免。思究见颠末，乃网罗旧闻，会粹同异，为《三朝北盟会编》二百五十卷，自政和七年海上之盟，迄绍兴三十一年完颜亮之毙，上下四十五年，凡曰敕、曰制、诰、诏、国书、书疏、奏议、记序、碑志，登载靡遗。帝闻而嘉之，擢直秘阁。梦莘平生多所著，有《集补》，有《会录》，有《读书记志》，有《集医录》，有《集仙录》，皆以“儒荣”冠之。其嗜学博文，盖孜孜焉死而后已者。开禧元年秋八月卒，年八十二。梦莘弟得之，从子天麟。（《宋史》卷四三八）

黄世昌

【传记】黄世昌，清江县人，绍兴二十四年甲戌科张孝祥榜进士。（见《同治清江县志》卷七）

杨善

【传记】杨善，清江县人，绍兴二十四年甲戌科张孝祥榜进士。（见《同治清江县志》卷七）

绍兴二十七年丁丑科(1157)王十朋榜

傅攸受

【传记】傅攸受，警子，清江县人，绍兴二十七年丁丑科王十朋榜进士。（见《同治清江县志》卷七）

绍兴三十年庚辰科(1160)梁克家榜

欧阳汝从

【传记】欧阳汝从，清江县人，绍兴三十年庚辰科梁克家榜进士。（见《同治清江县志》

卷七)

张 绂

【传记】张绂，清江县人，绍兴三十年庚辰科梁克家榜进士。衡州录事参军。（见《同治清江县志》卷七）

张绂，字子仪，清江人，绍兴进士，主澧阳簿，为政廉勤，绰有时誉。调衡州录事参军，改宜春丞。为人孝友，自衡扶柩归，值秋旱，舟不能前，祷神，江忽暴涨，衡人异之。子洽，自有传。（《光绪江西通志》卷一四三）

袁 震

【传记】袁震，清江县人，绍兴三十年庚辰科梁克家榜进士。吉水丞。（见《同治清江县志》卷七）

袁震，字时敷，清江人，少罹兵革，负米养亲，力学不倦。绍兴初，屡因场屋，郡秀多游其门。后举进士，主武冈簿，人咸师尊之。再调吉水丞，未赴而卒。（《同治临江府志》卷二七）

王三恕

【传记】王三恕，清江县人，绍兴三十年庚辰科梁克家榜进士。（见《同治清江县志》卷七）

司户参军厅，在司理院南，有二轩，王三恕为记。（宋谈钥《吴兴志》卷八）

乾道五年，余杭县人余主簿妻赵产子，青面毛身，两肉角犴恶可怖，即日杀之。未几同邑文氏妇生子，绝与前类，而两面相向，大非凡所闻见比，亦杀之，而赂乳医钱三十千，使勿言，然外人悉知之矣。已而一圃人妻，复生一物亦然。三家之怪，相去不两年，所居只二里内，岂非一气所沴乎。王三恕说。（宋洪迈《夷坚丙志》卷一六《余杭三夜叉》）

湖州吴秀才女，慧而能诗词，貌美家贫，为富氏子所据。或投郡，诉其奸淫。王龟龄为太守，逮系司理狱。既伏罪，且受徒刑。郡僚相与诣理院观之，仍具酒，引使至席，风格倾一坐。遂命脱枷侍饮，谕之曰：“知汝能长短句。宜以一章自咏，当宛转白待制，为汝解脱。不然危矣。”女即请题。时冬未雪消，春日且至，令道此景，作长短句，令捉笔立成，曰：“烟霏霏，雨霏霏，雪向梅花枝上堆。春从何处归？醉眼开，睡眼开，疏影横斜安在哉？从教塞管催。”诸客赏叹，为之尽欢。明日以告王公，言其冤。王淳直，不疑人欺，亟使释放。其后无人肯礼娶，周介卿石之子买以为妾，名曰淑姬。王三恕时为司户摄理，正治此狱，小词藏其处。（明王世贞《艳异编》卷三〇）

乾道二年丙戌科(1166)萧国梁榜

李浩然

【传记】李浩然，清江县人，乾道二年丙戌科萧国梁榜进士。（见《同治清江县志》卷七）

陈 琦

【传记】陈琦，清江县人，乾道二年丙戌科萧国梁榜进士。衡阳簿。（见《同治清江县志》卷七）

陈琦，清江人，乾道进士。初主衡阳簿，辩雪冤狱，赈荒郴桂，余无躡籍，民甚德之。后为丞相留正辟主管机宜文字，在蜀二年，事无巨细，多资焉。卒于官。琦为人明敏缜密，虽严二恕，能文善古律，有《克斋集》藏于家。（《光绪江西通志》卷一四三）

陈琦，字择之，号克斋，临江人也。乾道进士。张于湖招入幕，因从南轩游，进进日新，南轩甚属意焉。主衡阳簿，有杀人于野，而主名不立，提刑郑丙责主者急。吏迹一驿卒，其檐有血，掠讯诬伏。先生疑之，诊尸，得死者裯，署曰“罗仲美”，乃悬之衢。有见之者曰：“吾子也。与吾族子余皆商，今乃死邪？”先生即命逮余，一讯而服。盖仲美赏倍于余，以此致死。而驿卒乃得白。南轩帅桂林，复招入幕。邕州岁市大理马，马来已二千里，传致诸军，又数千里，多道死。先生令修圉而饲之，瘠者止，良者行，后者至，先者发，自是马无耗者。迁赣县丞，政最，知兴国县。留卫公帅蜀，辟为机宜。初，蜀之民私以楮券为货，谓之交子。至天圣中，官始榷之。再岁一易，谓之交界。其后有司因以为弊，凡券之微坏者，皆没入之，不賂不易。蜀之民为屯十有八，所隶之将三，士之廩给，当折物为钱，必视其所屯之地，称其土物之直，以直之低昂，为钱之多寡，故米之估，则龙州得仙关之半，绢之估，则兴元得西和州三之一，银之估，则大安得龙州之半而过之，乃有军在某州，反用他州之估者。卫公忧之，谋于先生，杜交界之奸，以信楮券，平廩给之估，以慰士心，蜀人大说。朝议欲用为郡，会病卒，论者惜之。先生负用世才，遇事迎刃而解，事至不拒，事定亦不自有其功，与人绝无崖岸，而亦不诡从也。祖望谨案：南轩弟子，多留心经济之学，其最显者为吴畏斋、游默斋，而克斋亦其流亚云。（《宋元学案》卷七一）

赵不隘

【传记】赵不隘，宗室子，清江县人，乾道二年丙戌科萧国梁榜进士。（见《同治清江县志》卷七）

赵不伪

【传记】赵不伪，不隘兄，清江县人，乾道二年丙戌科萧国梁榜进士。（见《同治清江县志》卷七）

乾道五年己丑科(1169)郑侨榜

韦 楫

【传记】韦楫，清江县人，乾道五年己丑科郑侨榜进士。（见《同治清江县志》卷七）

韦楫，字济川。甫朞而孤，母守义鞠之。长受业于杨愿，学极赅博，为文瑰奇赡缛。与人唱，累数千言。或酒酣，操笔立就，字字有源委。尝魁乡贡，四举乃登乾道五年乙科，对策逾二万言。知宁化县，通判房陵，迁知宜州。所至剖决无滞狱。祖有田庐，悉以让兄。

清江上流有桐塘陂阨，受大江之冲，坏民田二千顷。楫案故法为筑堤防水，五都之壤皆为上腴。卒，有遗文若干卷，藏于家。（《同治清江县志》卷八）

《汉官考》四卷，右徐筠孟坚所著也。西京二百年品秩、爵列、位号、名数，自三公而下，至于筦库，为十九门，总一百四十九条。韦楫为之序。孟坚，清江人，淳熙甲辰进士。（宋赵希弁《读书附志》卷上）

朱景文

【传记】朱景文，清江县人，乾道五年己丑科郑侨榜进士。分宜簿。（见《同治清江县志》卷七）

朱景文，字元成，清江人，自幼俊迈杰出，读书过目不忘，经史百氏，搜猎该贯，为文立就，雄贍豪爽，如其人。登乾道五年进士，调筠州司户，后调分宜簿，未赴而卒。所著有《批麟稿》五十篇，文集四十卷。（《同治临江府志》卷二八）

旧传荆州江亭柱间有词曰：“帘卷曲阑独倚，山展暮天无际。泪眼不曾晴，家在吴头楚尾。数点雪花乱委，扑灑沙鸥惊起。诗句欲成时，没人苍烟丛里。”黄鲁直读之凄然曰：“似为余发也，不时何人所作？笔势类女子，又‘泪眼不曾晴’之句，疑为鬼耳。”是夕梦女子曰：“我家豫章吴城山，附客舟至此，堕水死，不得归，登江亭有感而作，不意公能识之。”鲁直惊寤曰：“此必吴城小龙女辈也！”时建中靖国元年云。乾道六年，吴明可芾守豫章，其子登科，同年生清江朱景文，因缘来见，得摄新建尉。适府中葺吴城龙王庙，命之董役，颇极严致，及更塑偶像，朱指壁间所绘神女容相，谓工曰：“必肖此乃佳！”凡三四易，然后明丽艳冶如之，朱甚喜。复忆荆州词，以谓语意愤抑凄婉，殆非龙宫娴雅出尘态度，为赋玉楼春一阙，书于壁曰：“玉阶琼室冰壶帐，窳地水晶帘不上。儿家住处隔红尘，云气悠扬风淡荡。有时闲把兰舟放，雾鬓烟鬟乘翠浪。夜深满载明月归，画破琉璃千万丈。”即而夜梦旌幢羽葆，仪卫甚盛，拥一輜辇，有美女子居其中，传言龙女来谒。下车相见，宴罢寝昵，如经一日夜，言谈潇洒，风仪穆然。将行，谓朱曰：“君当不记畴昔事矣，君前身本南海广利王幼子，因行游江湖为我家婿，妾实得奉箕帚。今君虽以宿缘来生朱氏，然吴城之念，正尔不忘，故得禄多在豫章之分，须君官南海，阳禄且尽，此时当复诣佳偶。知君所作玉楼春词，破前人之误，甚以为感，非君忆旧游，亦无因知我家如此其熟也。”言毕，怆别而去。即觉，乃亟作文记其事，特未悟南海之说，但云岂非他日，或以言事贬窜至彼邪？尔后每夕外人，常闻室内笑语声，久而病瘖，家人疑其有祟，挽使罢归。明年，又以事来吴，公已去，后帅龚实之留摄酒官，俄以家难去。服阙，调袁州分宜主簿，顷次家居。县之士子，昔从为学，闻其归乡，相率来谒，因话邑中风土，偶及主簿廨前有南海王庙，朱恍然自失，明日抱疾，遂不起。元未尝得至官，凡两摄职于豫章，所谓多得禄者，如是而已。盖初治像及撰词时，方寸坠妄境，故自绝其命，神女之梦契，殆必黠鬼托以为奸者欤？乐平人杨振者，为临江司户，说其事甚详。（宋佚名《异闻总录》卷四）

《王直方诗话》云：朱景文云：诗人必自成一家，然后传不朽。若体规画圆，准矩作方，终为人臣仆。故山谷诗云：“文章最忌随人后。”又云：“自成一家始逼真。”真不易之论。

(宋何汶《竹庄诗话》卷一)

彭龟年

【传记】彭龟年，清江县人，乾道五年己丑科郑侨榜进士。（见《同治清江县志》卷七）

彭龟年，字子寿，临江军清江人。七岁而孤，事母尽孝。性颖异，读书能解大义。及长，得程氏《易》读之，至忘寝食，从朱熹、张栻质疑，而学益明。登乾道五年进士第，授袁州且春尉、吉州安福丞。郑侨、张栻同荐，除太学博士。

殿中侍御史刘光祖以论带御器械吴端，徙太府少卿，龟年上疏乞复其位，贻书宰相云：“祖宗尝改易差除以伸台谏之气，不闻改易台谏以伸幸臣之私。”兼魏王府教授，迁国子监丞。以侍御史林大中荐，为御史台主簿。改司农寺丞，进秘书郎兼嘉王府直讲。

光宗尝亲郊，值暴风雨感疾，大臣希得进见。久之，疾平，犹疑畏不朝重华宫。龟年以书谏赵汝愚，且上疏言：“寿皇之事高宗，备极子道，此陛下所亲睹也。况寿皇今日止有陛下一人，圣心拳拳，不言可知。特遇过宫日分，陛下或迟其行，则寿皇不容不降免到宫之旨，盖为陛下辞责于人，使人不得以窃议陛下，其心非不愿陛下之来。自古人君处骨肉之间，多不与外臣谋，而与小人谋之，所以交斗日深，疑隙日大。今日两宫万万无此。然臣所忧者，外无韩琦、富弼、吕海、司马光之臣，而小人之中，已有任守忠者在焉，惟陛下裁察。”又言：“使陛下亏过宫定省之礼，皆左右小人间谍之罪。宰执侍从但能推父子之爱，调停重华；台谏但能仗父子之义，责望人生。至于疑间之根，盘固不去，曾无一语及之。今内侍间谍两宫者固非一人，独陈源在寿皇朝得罪至重，近复进用，外人皆谓离间之机必自源始。宜亟发威断，首逐陈源，然后肃命銮舆，负罪引慝，以谢寿皇，使父子欢然，宗社有永，顾不幸欤？”居亡何，光宗朝重华，都人欢悦。寻除起居舍人，入谢，光宗曰：“此官以待有学识人，念非卿无可者。”龟年述祖宗之法为《内治圣鉴》以进。光宗曰：“祖宗家法甚善。”龟年曰：“臣是书大抵为宦官、女谒之防，此曹若见，恐不得数经御览。”光宗曰：“不至是。”他日，龟年奏：“臣所居之官，以记注人君言动为职，车驾不过宫问安，如此书者又数十矣，恐非所以示后。”有旨幸玉津园，龟年奏：“不奉三宫，而独出宴游，非礼也。”又言：“陛下误以臣充嘉王府讲读官，正欲臣等教以君臣父子之道。臣闻有身教，有言教，陛下以身教，臣以言教者也，言岂若身之切哉。”

绍熙五年五月，寿皇不豫，疾浸革，龟年连三疏请对，不获命。属上视朝，龟年不离班位，伏地扣额久不已，血渍鬢髻。光宗曰：“素知卿忠直，欲何言？”龟年奏：“今日无大于不过宫。”光宗曰：“须用去。”龟年言：“陛下屡许臣，一入宫则又不然。内外不通，臣实痛心。”同知枢密院余端礼曰：“扣额龙墀，曲致忠恳，臣子至此，为得已邪？”上云：“知之。”

孝宗崩，宁宗受禅，是夕召对，宁宗蹙额云：“前但闻建储之义，岂知遽践大位，泣辞不获，至今震悸。”龟年奏：“此乃宗祏所系，陛下安得辞，今日但当尽人子事亲之诚而已。”因拟起居札子，乞日进一通。又与翊善黄裳同奏往朝南内，因定过宫之礼，乞先一日入奏，率百官恭谢。宁宗朝泰安宫，至则寝门已闭，拜表而退。时议欲别建泰安宫，而光宗无徙宫之意。龟年言：“古人披荆棘立朝廷，尚可布政出令，况重华一宫岂为不足哉？陛下居狭

处，太上居宽处，天下之人必有谅陛下之心者。”于是官不果建。迁中书舍人。刘庆祖已带遥郡承宣使，而以太上随龙人落阶官，龟年缴奏，宁宗批：“可与书行。”龟年奏：“臣非为庆祖惜此一官，为朝廷惜此一门耳。夫‘可与书行’，近世弊令也，使其可行，臣即书矣，使不可行，岂敢因再令而遂书哉？”宁宗尝谓：“退朝无事，恐自怠惰，非多读书不可。”龟年奏：“人君之学与书生异，惟能虚心受谏，迁善改过，乃圣学中第一事，岂在多哉！”一日，御笔书朱熹、黄裳、陈傅良、彭龟年、黄由、沈有开、李岷、京镗、黄艾、邓驷十人姓名示龟年云：“十人可充讲官否？”龟年对曰：“陛下若招来一世之杰如朱熹辈，方厌人望，不可专以潜邸学官为之。”寻除侍讲，迁吏部侍郎，升兼侍读。龟年知事势将变，会暴雨震雷，因极陈小人窃权、号令不时之弊。遣充金国吊祭接送伴使。

初，朱熹与龟年约共论韩侂胄之奸，会龟年护客，熹以上疏见绌，龟年闻之，附奏云：“始臣约熹同论此事。今熹既罢，臣宜并斥。”不报。迨归，见侂胄用事，权势重于宰相，于是条数其奸，谓：“进退大臣，更易言官，皆初政最关大体者。大臣或不能知，而侂胄知之，假托声势，窃弄威福，不去必为后患。”上览奏甚骇，曰：“侂胄朕之肺腑，信而不疑，不谓如此。”批下中书，予侂胄祠，已乃复入。龟年上疏求去，诏侂胄与内祠，龟年与郡，以焕章阁待制知江陵府、湖北安抚使。龟年丐祠，庆元二年，以吕柟言落职；已而追三官，勒停。嘉泰元年，复元官。起知赣州，以疾辞，除集英殿修撰、提举冲佑观。开禧二年，以待制宝谟阁致仕，卒。龟年学识正大，议论简直，善恶是非，辨析甚严，其爱君忧国之忱，先见之识，敢言之气，皆人所难。晚既投闲，悠然自得，几微不见于颜面。自伪学有禁，士大夫鲜不变者，龟年于关、洛书益加涵泳，扁所居曰止堂，著《止堂训蒙》，盖始终特立者也。闻苏师旦建节，曰：“此韩氏之阳虎，其祸韩氏必矣。”及闻用兵，曰：“祸其在此乎？”所著书有《经解》、《祭仪》、《五致录》、奏议、外制。侂胄诛，林大中、楼钥皆白其忠，宁宗诏赠宝谟阁直学士。章颖等请易名，赐谥忠肃。上谓颖等曰：“彭龟年忠鲠可嘉，宜得谥。使人人如此，必能纳君于无过之地。”未几，加赠龙图阁学士，而擢用其子钦。（《宋史》卷三九三）

彭龟年，字子寿，清江人。得程氏《易》读之，至忘寝食。从南轩质疑而学益明。登乾道五年进士第，授宜春尉、安福丞。用荐为太学博士，累转兼嘉王府直讲，除起居舍人。宁宗立，迁中书舍人，寻升吏部侍郎，兼侍读。庆元二年落职。嘉泰初，复官，奉祠。开禧二年，以宝谟阁待制致仕。卒，谥忠肃。先生言：“《大学》格物致知之外，非别有所谓诚意正心、修身齐家、治国平天下之道。”其疏于各条之下者，即格物致知之事，未尝有阙文也。又言：“大本者，即此理之存，达道者，即此理之行，未有极其中而不和者，未有天地位而万物不育者，不必分说。时中者，以其全得此理，故无时而不中，非是就时上取中也。”皆与《集注》不同。（《宋元学案》卷七一）

乾道八年壬辰科(1172)黄定榜

蔡浩然

【传记】蔡浩然，清江县人，乾道八年壬辰科黄定榜进士。南安通判。（见《同治清江